

# 第一二〇冊目次

|               |          |     |
|---------------|----------|-----|
| 大藏聖教法實標目十卷(二) | 元王古撰     | 一   |
| 傳法正宗記九卷       | 宋契嵩編修    | 八五  |
| 傳法正宗定祖圖二卷     | 宋契嵩撰     | 二一一 |
| 傳法正宗論三卷       | 宋契嵩著     | 二二三 |
| 輔教篇三卷         | 宋契嵩撰     | 二四七 |
| 天目中峰和尚廣錄三十卷   | 元明本著慈寂上進 | 二八六 |

大藏聖教法寶標目卷第六

瑜伽師地論一百卷

聖教法寶標目

右無著菩薩咨問彌勒大乘經義還闍浮提以已所聞爲餘人說多不生信無著即自發願請彌勒夜降闍浮放大光明廣集有緣誦出十七地經隨所誦出隨解其義經四月夜

遵六

方竟雖同在一堂聽法唯無著得近彌勒餘但遙聞此論焚法師譯梵語瑜珈此云相應謂一切乘境行果等所有諸法皆名相應境謂一切所緣境此境與心相應故名相應行謂一切行此行與理相應故名行相應果謂三聖果此果位中諸功德法更相符順故名

果相應師謂三乘行者由聞思等次第習行如是瑜伽隨分滿足展轉教人故名瑜伽師地謂十七地境界謂五識相應地意識相應地有尋有伺地無尋有伺地無尋無伺地尋求伺謂伺察或思或慧於境推求義外名尋即以二種於境審細位名伺舊名覺觀出諸經三摩呬多地非三摩呬多地有心地無音義

心地聞所成地思所成地修所成地聲聞地獨覺地菩薩地有餘依地無餘依地

顯揚聖教論二十卷

慶尺

右無著菩薩造宣說瑜珈師地論中要義顯揚聖教文約義周使人易曉區別義類爲十一品錯綜該羅法義深廣

大乘阿毗達磨集論七卷

聖

右無著菩薩造解釋五蘊十八界六度四攝四無量行四諦三十七菩提分等法義今後學披覽略文知深廣妙義

王法正理論

右彌勒菩薩造說出受王問佛言有訶諫我不真實過失心不悔惱有讚我不真實功德心亦不喜唯佛能知諸王過失功德真實願爲我說佛言王有九種過失一不自在二性暴惡三猛憤發四思惠薄五受邪佞六所作不思七不顧善法八不知差別九縱任放逸無此過失爲九功德又有五種衰損門五方

磧砂大藏經

大藏聖教法寶標目

卍

影印宋元版

便門又有五可愛樂法王能遠離過失修習功德當獲一切利益安樂

瑜珈師地論釋

右最勝子等諸菩薩造略釋瑜珈師地法義

顯揚聖教論頌

右無著等造頌十一品釋諸法要

遵六

大乘雜集阿毗達磨論十六卷

非寶

右安慧菩薩翻釋上集論

中論四卷

右龍樹菩薩造佛入滅已論宗紛諍大士依大般若義造論以折中此論無言不窮無法不盡會通真俗有無斷常之邊見故名曰中

論亦名中觀以觀辯於心論定於口耳觀法

師序云百論治外以開邪中論祛內以流滯

大智釋論之淵博十二門觀之精詣尋斯四

者真若日月無不朗然鑒徹矣予翫之味之

不能釋手云

般若燈論十五卷

寸

右龍樹菩薩本分別明菩薩釋顯深妙法明佛道因破迷滅聞息諸惡見分別照明列爲

二十七品與中論本同譯異

百論二卷

陰

右提婆菩薩造天親釋肇法師序云此論以百爲名理致淵玄統群籍之要文義婉約窮

製作之美什法師常所詠味以爲心要

十二門論

右龍樹造歡法師序云十二門者揔衆枝之大數門者開通無滯之稱窮理盡性實相之折中道場之要軌也

十八空論

遵六

三

右十八空者一內空二外空三内外空四大空五空空六眞實空七有爲空八無爲空九畢竟空十無前後空十一不捨離空十二佛性空十三自相空十四一切法空十五無法空十六有法空十七無法有法空十八不可得空

廣百論

右聖天菩薩造釋百論法義

廣百論十卷

是

右聖天菩薩造論護法菩薩釋論破一切執有滯空之見妙開中道使學者了悟真空故唐焚三藏於西域法師隨聽隨譯成此十卷

十住婆沙論十六卷

通 寶

右龍樹造大不思議論十萬頌釋華嚴經備傳西域此論十六卷即是彼論釋十地中初之二也

菩提資糧論六卷

右龍樹菩薩造說諸菩薩求無上菩提皆以

般若波羅蜜多為母諸佛皆由此出生故六度萬行三十二相出生之業及種種菩薩之行微妙法門詞約義廣理圓事備求一切智者之妙門大路

大乘莊嚴經論十三卷

通 寶

右無著菩薩造解釋大乘菩薩從初發心至

積砂大藏經

大藏聖教法寶標目

記

第一二〇冊

成一切智修習證入種種功德法門天竺三藏云西域大小乘學皆以此論為本於此不通未可弘法論初說造此論者以五義譬一如金成器令信向轉彼心故二如華敷開示彼故三如食美饌得法味故四如解文字為令修習更不思故五如開寶篋實證得故

大乘莊嚴論經一十五卷

通 寶

右馬鳴菩薩造說菩薩修習大乘功德種種法門

順中論二卷

右龍樹造無著菩薩釋破空有二邊之執是般若波羅蜜多初品空義

通 寶

攝大乘論三卷

右無著菩薩造真諦三藏第一譯收攝一切大乘聖教法門要義摠集于此而辯明之

攝大乘論釋一十五卷

通 寶

右論本二卷無著造釋論十二卷世親菩薩造解兄論本義

攝大乘論三卷

攝大乘論二卷

右與前論本同譯別

攝大乘論釋一十卷

【與】

右晉西竺三藏達摩笈多譯

攝大乘論釋十卷

【敬】

右唐玄奘譯第三出已上三論釋本同譯別

攝大乘論釋十卷

【名】

右無性菩薩釋唐玄奘譯與前三論本同譯別

佛性論四卷

【當】

右天親菩薩造解釋佛說一切衆生皆有佛性論十品說自性十相爲顯二義一顯本有

不可思議境界二顯依道理修修行可得三

顯已能令無量功德圓滿究竟故造斯論

決定藏論三卷

右顯了大乘全量八識心境分量善惡因果

論述此理決定無移

辯中邊頌論

卷六

五

右彌勒說執空執有爲二邊虛妄分別有於

此二都無此中惟有空等頌辯中邊二義故

中邊分別論二卷

辯中邊論三卷

唐譯第二

【獨】

右世親菩薩造釋彌勒中邊論頌此論說七

義一相二鄣三真實四修諸對治五即此修

分位六得果七無上乘

究竟一乘實性論四卷

右不顯造者顯示第一義諦佛性體相德用等

大乘成業論

業成就論

右本同譯別天親菩薩造業謂身口意三業

以一切造善造惡生聖處墮惡道皆不離三

業而得成就

因明正理論本

因明正理門論

【力】

右陳那菩薩造本同譯別詳略有異唐譯後序云此論抗辯標宗權邪顯正因談照實明

彰顯理入言趣本正以離邪西方時彥鑽仰  
深深

因明正理門論

右大龍菩薩造釋因明論

唯識論

右天親菩薩造本論序云此是諸佛甚深境

界非是凡夫二乘所知此論本末明三種空  
一者人無我空二者因緣法體空三者真歸  
佛性空我空者凡夫妄想於五陰因緣法中  
見我爲有實不可得猶如兔角五陰無常我  
亦無常如是知者名人無我空因緣法空者  
如薪火相待無實離薪無火離火無薪見火

說假名薪見薪說假名火能成所成相待不  
離能所亦實無是名因緣法體空真如法空  
者佛性名第一義空無世間色相有爲法故  
非是同於無性法故以具真如法體故名不  
空空是名真如法空實無前境界但衆生妄  
見有外境界故名唯識又名破色心論但破

卷六

虛妄煩惱結使心不破佛性清淨心也

唯識二十論

唯識三十論

大乘唯識論

右天親菩薩造

轉識論

顯識論

右已上並說三界唯識法義

成唯識寶生論五卷

右天親造三十本頌說唯識義護法菩薩造  
論五卷解釋成前三十頌義亦名二十唯識  
論釋

成唯識論十卷

忠

右護法安慧菩薩等十師造此論能成就天  
親三十頌論令義理圓成故名成唯識論盡  
遠理之微闡法王之奧爲令學者破空有迷  
謬執生正解斷重障證真解脫故

則

大丈夫論二卷

右提婆菩薩造論云能成種智果施因爲最大一切衆事具無不由施成施是生大道出世之胞胎救一危難人餘勝一切施一切善法行悲心施爲首二十九品廣說施法

入大乘論二卷

右堅意菩薩造欲爲衆生遮苦因故爲救偏

連六

七

執邪見顛倒思惟不解實義不順佛智謗正法得大罪報者如是得生聞修思乃至具足一切智故

大乘掌珍論二卷

右清辯菩薩造序云爲悲憫世間種種邪見生死籠樊無量憂苦故欲令學人易證真空

速入法性故略製此如掌珍論

大乘起信論

右梁真諦第一譯馬鳴菩薩撮略百本大乘經宗旨造此論爲欲令衆生除疑捨邪執起大乘正信佛種不斷故

贊行王正論

右說一切國王御國治民善惡功罪違理順理苦樂因果修集相好敬愛正法等種種法門

大乘五蘊論

世親菩薩造

大乘廣五蘊論

安慧菩薩造

右說色蘊十五種受蘊八種想蘊亦八種行蘊有七十三法識蘊亦八種造善造惡生樂

趣苦趣有無量功能積聚故名蘊

發菩提心經論二卷

盡

右說發菩提心因緣功德天親造論廣明經義

大乘起信論二卷

右唐實叉難陀譯與前真諦所譯本同譯別文或有異序述其詳云大乘明鏡莫過於此

三無性論二卷

右三無性者一分別相無自性二依他生無

自性三真實勝義無自性性

如實論

右如無乖異實非妄倒義理真實故

方便心論

右如鍊金須藉爐火人工爲其方便乃可成  
金菩薩修行須明達佛理以爲方便乃得成道

### 觀所緣緣論

右陳那菩薩造心爲能觀緣境爲所觀心境  
非一故言所緣緣如眼觀色境色是所緣眼  
識爲能緣等

連六

八

### 觀所緣論釋

右護法菩薩造解釋前論

### 無相思塵論

右陳那菩薩造意識細境非緣外境故名無  
相思心分別至鄰虛位極微細故名思塵

### 迴諍論

命

右佛入滅後異見偏執遂多諍論龍樹造論

迴邪歸正一切論義皆能解釋

### 提婆菩薩釋楞伽經中外道小乘涅槃論

右解釋佛說涅槃因果正義破二十種諸外

道邪見異論

提婆菩薩破外道小乘四宗論

右破外道論師一切法一異俱不俱四宗義  
緣生論

右解在此字函緣生經

### 掌中論

右陳那菩薩造說三界但有假名實無外境  
由妄執故謂繩爲蛇善觀察時繩亦無實體  
妄識分別知相假借無實可得知一切法但  
是假名

### 壹輸盧迦論

右龍樹造說一切法自體性空故無有常一  
切佛緣覺聲聞於空法中而得出離非於諸  
行斷常法中而得解脫

連六

九

### 大乘百法明門論

右天親造一切法略有五種一心法略有八  
種二心所有法略有六種徧行有五別境有  
五善有十一煩惱有六隨煩惱有二十不定  
有四三色法略有十一種四心不相應法略  
有二十四種無爲法略有二種

百字論

右提婆造破我見等一切諸法各有自相義  
手杖論

右論言世間一類有情為無慧解便生邪執  
由此沉淪為憐憫此等愚蒙作手杖論  
取因假設論

右陳那菩薩造取者執也因者對果假者虛  
妄設者施設佛化衆生不壞世間依假施設  
事而宣法要使之開悟永斷煩惱

六門教授習定論

右無著本天親釋為欲利益一切有情令習  
世出世定速離煩惱得解脫故說此修習靜  
定法門佛言先當依定能盡有漏求出生死  
海者離於正定無別方便

大乘法界無差別論

右說衆生界不異法身法身不異衆生界平  
等解脫一味無別如日輪為雲所覆而性常  
清淨

十二因緣論

右解十二支法義

止觀門論頌

右世親菩薩造七十頌論修習定慧是入聖  
妙門

觀惣相論頌

右陳那菩薩造諸法有惣相別相差別此略  
頌惣相義

解捲論

右論云三界唯以言名為體由強分別非實  
有法為生不顛倒智故造此論

長阿含經二十二卷

臨深

遵六

十

右阿含者秦言法歸蓋萬行之淵府惣持之  
林苑道無不由法無不在譬彼巨海百川所  
歸故以法歸為名也開斥修途所記長遠故  
以長為目此經四分合三十經以為一部辯  
邪正如晝夜昭報應若影響見遠劫如朝夕  
視六合猶目前朗大明於幽室惠五目於衆

瞽不窺戶牖而智無不周矣出掌法師序

第一卷說七佛本緣壽量眷屬法會弟子降生入胎出家成道乃至涅槃等緣第二至第四說佛將涅槃遊行化度乃至入滅分布舍利事第五說佛過去世為大臣捨家學道次說廣化人天事第六說劫初已來有五種姓

種種轉變因緣次說往昔轉輪王福德修行事第七外道說死後斷滅無善惡報迦葉章女說法破其蔽惑第八至十佛說法教化外道次舍利弗說一增至十等種種法相義次大緣經解十二緣法甚詳次天帝釋問佛佛為說法義第十一卷阿菟夷品佛為外道梵

志說法次善生經為長者子六向拜佛為說賢聖法中禮六方法第十二卷清淨經世尊說佛制法教授弟子清淨微妙離苦得道次自歡喜經舍利弗讚說佛法無上智慧神通一切世間無與等者次大會經十方諸神天人等皆來集會禮敬如來佛為諸眾種種結

卷六

十一

呪第十三阿摩晝經外道使弟子觀佛佛為調伏說外道邪偽佛法真正佛弟子明行具足第十四梵動經佛說甚深微妙大法光明說諸六十二邪見第十五種德經佛說法調伏婆羅門眾次究羅檀頭經亦爾第十六佛不許弟子現神足次說比丘問諸天四大從

何而滅義天不能答還復問佛佛為說法次說調伏婆羅門等第十七沙門果經阿闍世王問佛佛為說此經次布陀婆樓經次露叱經皆佛說法調伏婆羅門外道等第十八記說大千中千世界四洲轉輪王等事題云世記經第十九說地獄及諸龍金翅等事第二

十說脩羅諸天及日月宮事日月天子生日月宮因緣第二十一說三災天脩羅戰鬪事二十二說三中劫及世本緣劫初等事

中阿含經六十卷

卷五

右此經凡四分一十八品第一七法品十經第二業相應品十一經第三舍利子相應品

十一經第四未曾有法品十經第五習相應品十六經第六王相應品十四經如是一十八品中摠二百二十二經別法門浩博詞義廣妙不可具舉內有五十三經本同譯別皆出中阿含經具解於後

增一阿含經五十一卷

似至如

右此部經凡有五十品摠四百七十二經別佛涅槃已迦葉阿難等結集如來法寶一代時教分爲三分經律論藏復以契經分爲四段一名增一二名中三名長阿含名瓔珞四雜經在後增一謂佛告比丘當修一法謂念佛乃至念死等二從二法三從三法乃至九

十從一增一義豐慧廣契經義深故名含明定前多說四諦十二緣五陰六入十八界後出世界成敗佛成道度人又七佛得道制戒等

出寶唱錄云

雜阿含經五十卷

松至流

右迦葉阿難與諸大阿羅漢結集三藏集一

遵六

十二

切長經爲長阿含從一事至十事從十事至十一事爲增一雜比丘比丘尼優婆塞優婆夷諸天雜帝釋雜魔雜梵王集爲雜阿含出四分律第五十四卷此部經說事既雜故無品次誦等差別自餘雜說集爲一部名修多羅

出五分律第三十

別譯雜阿含經二十卷 不息

右此部經與前經文雖先後不次細尋不出前經此但撮要故爲別部

契經開四增一明人天因果長阿含破邪見中阿含明深義雜阿含明禪定出天台智者法華文句第一

佛般泥洹經二卷

佛般泥洹下諸經並是四含中別經異譯

料

大般涅槃經三卷

般泥洹經二卷

右三經本同譯別說佛欲捨壽入滅人天聞法受度純陀末後獻供人天禮送分布舍利乃至略說結集等種種因緣出長阿含經第二至第四卷同本異譯

人本欲生經

右佛為阿難演十二因緣五陰八解脫等法  
出長呵舍經第十卷與大方便經同本異譯  
尸迦羅越六向拜經

右長者子日拜四方上下而不知法義佛為  
說種種在家善惡諸法出長阿含第十一卷

連六

十三

梵志阿蹉經

右梵志自矜種姓豪貴聰辯智慧佛為說法  
化度此經演戒定慧種種法義出長阿含經  
第十三卷與阿摩晝經同本異譯

梵網六十二見經

右說外道起種種見唯佛法真正出長阿含

經第十四卷與梵動經同本異譯

寂志果經

右阿闍世王問外道六師不契王意王來問  
佛佛為說沙門受學證果等法出長阿含經  
第十七卷與沙門果經同本異譯

起世經十卷

卷

起世因本經十卷

取

右隋譯二經同本異譯因本經十二品說四  
大洲種種事次轉輪王品說輪王出世種種  
事地獄品詳說種種地獄受一切苦種種事  
諸龍金翅鳥品阿脩羅品四天王品三十三  
天品各說諸趣中種種事闢戰品說天脩羅

戰闢事劫住品住世品說劫成壞事最勝品

說劫住已來日月寒暑立主治民種種事

大樓炭經六卷

映

右佛說四洲轉輪王地獄脩羅諸龍金翅鳥  
諸天阿脩羅戰闢大小三災劫天地初成時  
種種事已上三經出長阿含經第十八至  
二十二卷與起世經同本異譯

長阿含十報法經上下二卷

右舍利說種種善不善法從一法增至十法  
聚成無為出苦滅惱出長阿含經第九卷同  
本異譯

中本起經上下二卷

右說佛初成道度五拘隣次化迦葉目連舍

利弗瓶沙王波斯匿王等及給孤獨園捺女  
受化及食馬麥等事

從佛般泥洹下十三經並  
出長阿含中別經異譯

七知經

容

右說比丘七法道謂知法知義知時知節自  
知知衆知人勝出中阿含經第一卷與初善  
法經同本異譯

蓮六

鹹水喻經

右說衆生沒溺生死河四果人得出到彼岸  
出中阿含經第一卷與水喻經同本異譯

一切流攝守因經

右說斷諸有流得度世種種調伏法出中阿  
含經第三卷與漏盡經同本異譯

四諦經

右佛爲諸弟子演苦集滅道法出中阿含經  
第七卷與分別聖諦經同本異譯

瞻婆比丘經

恒水經

右佛欲說戒目連擯黜不淨比丘因說此經

出中阿含經第九卷與瞻婆經同本異譯

本相倚致經

緣本致經

右二經本同譯別說善惡法皆有依本出中  
阿含經第十卷與本際經同本

頂生王故事經

文陀竭王經

右二經本同譯別說昔轉輪聖王受大福樂  
升忉利天以貪欲墮而死出中阿含經第十  
一卷與四洲經同本

閻羅王五天使者經

鐵城泥犁經

蓮六

十五

右二經同本異譯說地獄罪報出中阿含經  
第十二卷與天使經同本

古來世時經

右說佛因地供養一辟支佛十四返人天中  
尊及說當來彌勒時世快樂出中阿含經第  
十三卷與說本經同本異譯

阿那律八念經

右八謂少欲知足隱處精進制心定意智慧捨家出中阿含經第十八卷與八念經同本異譯

離睡經

右佛為目連說種種離睡眠蓋法出中阿含

經第二十卷與長老上尊睡眠經同本異譯是法非法經

右說賢者法及不賢者法教戒當行不當行事出中阿含經第二十一卷與真人經同本異譯

求欲經

右四種人有無求欲知不知真如差別出中阿含經第二十二卷與穢經同本異譯

受歲經

右說比丘善惡法出中阿含經第二十三卷初與比丘請經同本異譯  
梵志計水淨經

右說斷結生善處出中阿含經第二十三卷與水淨梵志經同本異譯

苦陰經

右出中阿含經第二十五卷與苦陰經同本異譯

苦陰因事經

右說念著三毒苦陰等事二經同本異譯出中阿含經第二十五卷與苦陰經同本

釋摩男本

右說世間苦多樂少教勸出家學道

樂想經

右說計想種種已知未知法出中阿含經第  
尊六 十六

二十六卷與想經同本異譯

漏分布經

右說受想行等本起分布受殃滅盡等皆以八正道得畢苦出中阿含經第二十七卷與達梵行經同本異譯

阿耨風經

晉言 依次

右說善惡報差別出中阿含經第二十七卷  
與阿奴波經同本異譯

諸法本經

右說斷受并欲入正慧得苦際法出中阿含  
經第二十八卷初與諸法本經同本異譯  
瞿曇彌記果經

右彌與阿難請佛令比丘尼出家戒律事出  
中阿含經第二十八卷與瞿曇彌經同本異譯  
瞻婆比丘經

右出中阿含經第三十九卷與瞻婆經同本  
異譯

伏姪經

右說十伏姪法出中阿含經第三十卷與行  
欲經同本異譯

魔嬈亂經

弊魔試目連經

右魔嬈試目連目連爲說往昔魔嬈佛弟子  
墮大地獄事二經本同譯別出中阿含經第  
十七

三十卷與降魔經同本

賴吒和羅經

右賴吒和羅長者子也見佛聞法捨家證果  
還爲其家及國王說法王亦得道果出中阿  
含經第三十卷與賴吒和羅經同本異譯  
善生子經

右與淵字函六向拜經本同譯別出中阿含  
經第三十三卷與善生經同本異譯

數經

右婆羅門學數問佛佛爲說法出中阿含經  
第三十五卷與筭數目捷連經同本異譯  
梵志頽羅延問種尊經

右婆羅門種自謂尊大佛爲說此經出中阿  
含經第三十七卷與阿攝和經同本異譯

三歸五戒慈心默離功德經

右校量種種布施及三歸依行慈等福

須達經

右二經同本異譯出中阿含經第三十九卷

與須達哆經同本

佛為黃竹園老婆羅門說學經

右佛為婆羅門說佛坐道場得四禪三明婆

羅門歸信與中阿含經第四十卷黃蘆園經

同本異譯

梵摩喻經

右說梵志見佛相好威神功德歸依三寶遂

證道果出中阿含經第四十一卷與梵摩經

同本異譯

尊上經

右天問比丘偈義比丘請佛佛為說經出中

阿含經第四十三卷與釋中禪室尊經同本

異譯

鸚鵡經

兜調經

右婆羅門名也死為狗還在其家佛為說宿

命并種種因果事二經本同譯別出中阿含

經第四十四卷與鸚鵡經同本

遵六

十八

意經

右說比丘問佛佛為說此經遂得道果出中

阿含經第四十五卷與心經同本異譯

應法經

右說世間四法現在與後受報苦樂事出中

阿含經第四十五卷與後受法經同本異譯

泥犁經

右說惡道苦惱因果報應事出中阿含經第

五十三卷與癡慧地經同本異譯

優陀夷墮舍迦經

齋經

右說六齋八戒五念功德二經同本異譯出

中阿含經第五十五卷與持齋經同本

佛言如是奉持八戒五念為佛法齋與天參

德滅惡興善後生天上終得泥洹是以智者

自力行出心作福今十六大國滿中眾寶不

可稱數不如一日受佛法齋如比其福者則

十六國為一豆耳天上廣遠不可稱說當今

人間五十歲爲第一天上一日一夜第一四  
天上壽五百歲彼當人間九百萬歲佛法齋  
者得生此天上人間百歲爲忉利天上一日  
一夜忉利天壽千歲當人間三千六百萬歲  
人間二百歲爲鹽天上一日一夜鹽天壽二  
千歲當人間一億五千二百萬歲人間四百

蓮六

十九

歲爲兜術天上一日一夜兜術天壽四千歲  
當人間六億八百萬歲人間八百歲爲不驕  
樂天上一日一夜不驕樂天壽八千歲當人  
間二十三億四千萬歲人間千六百歲爲化  
應天上一日一夜化應天壽萬六千歲當人  
間九十二億一千六百萬歲若人有信有戒  
有聞有施有智奉佛法齋當命盡時其人精  
神皆生此六天上安隱快樂荷善衆多我少  
說耳凡人行善魂神上天受福無量  
佛言一日一夜持八戒齋勝以十六大國中  
珍寶布施齋戒使人得度世道以財寶施不  
能使人得道我得佛道本是八戒若欲速得

阿羅漢道疾得佛道欲生天上端心一意一  
月六齋一日一夜齋戒福不可計譬如海水  
不可斗量一月十五日齋亦善二十日齋亦  
善人多憂家事故與一月六齋  
鞞摩肅經

右異學謂色妙欲念佛爲說此經出中阿含

經第五十七卷與鞞摩那修經同本異譯

婆羅門子命終愛念不離經

右說愛生則有苦憂戚不樂等法出中阿含  
經第六十卷與愛生經同本異譯

十支居士八城人經

右阿難爲八城人等說此經出中阿含經第

六十卷與八城經同本異譯

邪見經

右邪命問世間有邊無邊等義阿難爲說此  
經出中阿含經第六十卷與見經同本異譯  
箭喻經

右摩羅鳩摩羅問佛世間有邊無邊等義佛